

SAMÞYKKT

um breytingu á samþykkt um stjórn og fundarsköp Flóahrepps nr. 542/2007.

1. gr.

51. gr. samþykktarinnar breytist og verður svohljóðandi:

Sveitarstjórn kýs fulltrúa í eftirtaldar nefndir, ráð, stjórnir og embætti:

A. Til eins árs. Á fundi í júní ár hvert:

1. *Oddvitakjör*. Oddviti og varaoddviti skv. 14. gr. sveitarstjórnarlaga nr. 45/1998.
2. *Aðalfundur Samtaka sunnlenskra sveitarfélaga (SASS)*. Þrír fulltrúar og þrír til vara samkvæmt samþykktum samtakanna.
3. *Aðalfundur Atvinnuþróunarfélags Suðurlands*. Þrír fulltrúar og þrír til vara samkvæmt samþykktum félagsins.
4. *Aðalfundur Skólaskrifstofu Suðurlands*. Þrír fulltrúar og þrír til vara samkvæmt samþykktum SKS.
5. *Aðalfundur Heilbrigðiseftirlits Suðurlands*. Þrír fulltrúar og þrír til vara samkvæmt samþykktum HES.
6. *Aðalfundur Sorpstöðvar Suðurlands*. Einn fulltrúi og einn til vara samkvæmt samþykktum SOS.

B. Til fjögurra ára. Á fyrsta eða öðrum fundi að afloknum sveitarstjórnarkosningum:

1. *Fræðslunefnd*. Fimm aðalmenn og jafnmargir til vara. Nefndin fer m.a. með verkefni grunnskóla samkvæmt lögum um grunnskóla nr. 91/2008 og verkefni leikskóla samkvæmt lögum um leikskóla nr. 90/2008.
2. *Skipulagsnefnd og byggingarnefnd uppsveita Árnessýslu og Flóa*. Einn aðalmaður og einn til vara. Fulltrúi er jafnframt í stjórn skipulags- og byggingarfulltrúaembættis uppsveita Árnessýslu og Flóa bs.
3. *Sameiginleg félagsþjónusta sjö sveitarfélaga í Árnessýslu*. Einn fulltrúi og einn til vara til setu í yfirstjórn sameiginlegrar félagsþjónustu sveitarfélaganna Ölfuss, Hveragerðisbæjar, Hrunamannahrepps, Bláskógabyggðar, Grímsnes- og Grafningshrepps, Skeiða- og Gnúpverjahrepps og Flóahrepps samkvæmt samningi þar að lútandi. Fulltrúi Flóahrepps sem kjörinn er í yfirstjórn hefur umboð til þess að skipa fulltrúa og varafulltrúa í eina sameiginlega velferðarnefnd á starfssvæði félagsþjónustu sveitarfélaganna í samræmi við ákvæði samstarfssamnings og á grundvelli 2. mgr. 7. gr. laga nr. 40/1991, um félagsþjónustu sveitarfélaga. Fulltrúar í sameiginlegri velferðarnefnd eru fimm auk jafnmargra varamanna og koma þrír af starfssvæði Sveitarfélagsins Ölfuss og Hveragerðisbæjar og tveir af starfssvæði sveitarfélaga í uppsveitum Árnessýslu og Flóahrepps.

Fulltrúi sveitarfélagsins í sjö manna yfirstjórn hefur einnig umboð til þess að taka þátt í skipan formanns og varaformanns sameiginlegrar velferðarnefndar. Yfirstjórn útbýr einnig erindisbréf sameiginlegrar fimm manna velferðarnefndar og leggur það fyrir sveitarfélagið til staðfestingar af hennar hálfu. Sameiginleg velferðarnefnd fer með verkefni jafnréttisnefndar samkvæmt ákvæðum laga um jafna stöðu og jafnan rétt kvenna og karla nr. 10/2008.

4. *Atvinnu- og umhverfisnefnd*. Fimm aðalmenn og jafnmargir til vara. Nefndin skal vera sveitarstjórn til ráðuneytis í atvinnu-, ferða- og umhverfismálum og hafa frumkvæði að tillögugerð á því sviði til sveitarstjórnar. Nefndin skal einnig fara með samgöngumál og vera sveitarstjórn til ráðgjafar um úrbætur og nýframkvæmdir í umferðar- og samgöngumálum.
5. *Æskulýðs- og tómstundanefnd*. Þrír aðalmenn og jafnmargir til vara. Nefndin skal vera sveitarstjórn til ráðuneytis í æskulýðs- og tómstundamálum og hafa frumkvæði að tillögugerð á því sviði til sveitarstjórnar.
6. *Húsnæðisnefnd*. Sveitarstjórn fer með verkefni húsnæðisnefndar samkvæmt ákvæðum laga um húsnæðismál nr. 44/1998. Sveitarstjórn er heimilt að fela fastanefndum hlutverk nefndarinnar.
7. *Landsþing Sambands íslenskra sveitarfélaga*. Einn fulltrúi og einn til vara, sbr. lög sambandsins.
8. *Rekstrarnefnd félagsheimila Flóahrepps*. Tveir fulltrúar og tveir til vara.

9. *Afréttamálafélag Flóa og Skeiða*. Fjórir fulltrúar og fjórir til vara, samkvæmt samþykkt afréttamálafélags.
10. *Héraðsnefnd Árnesinga*. Einn fulltrúi og einn til vara samkvæmt samningi um héraðsnefnd.
11. *Almannavarnanefnd Árnessýslu*. Einn fulltrúi og einn til vara skv. lögum um almannavarnir nr. 82/2008.
12. *Fulltrúaráð Brunavarna Árnessýslu*. Einn fulltrúi og einn til vara samkvæmt samþykktum Brunavarna Árnessýslu.
13. *Skodunarmenn*. Tveir aðalmenn og jafnmargir til vara skv. 69. gr. sveitarstjórnarlaga nr. 45/1998.
14. *Kjörstjórn*. Þrír aðalmenn og jafnmargir til vara skv. 10. gr. laga um kosningar til Alþingis nr. 24/2000 og 14. gr. laga um kosningar til sveitarstjórna nr. 5/1998.

Samþykkt þessi sem sveitarstjórn Flóahrepps hefur sett samkvæmt ákvæðum 10. og 25. gr. sveitarstjórnarlaga nr. 45/1998 staðfestist hér með til að öðlast þegar gildi.

Innanríkisráðuneytinu, 23. ágúst 2011.

F. h. r.

Hermann Sæmundsson.

Stefanía Traustadóttir.